




四川大學古籍整理研究所編

儒藏

史部第一二三冊

四川大學出版社



四川大學古籍整理研究所 編

儒藏·史部

儒林史傳

第二十二冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

理學備考續 清・范鄱鼎 編纂

.....

—



儒藏

目錄

理學備考卷三

洪洞後學范鄆鼎刪定 受業王儼校錄

理學名臣錄

絳州後學辛全叅訂

陳公諱選

字士賢、浙江臨海人。天順庚辰會試第一、二甲進士、筮仕御史、歷官廣東左右布政使。成化丙午五月二十一日卒、年五十有八。號克菴。

公父員韜、爲御史、出巡福建、活沙賊裔從數萬人。公少從鄉先生陳璉游、日坐一室誦習、未嘗嬉戲。敝衣糲食、人不堪其清苦、而處



之自如。吳寬撰傳。

公爲御史、正色直言、不知權貴、尤嚴於君子小人之進退。時有二儒臣將援幸奄以柄用者、公力擊之、得不進。修撰羅倫以論時宰奪情謫官、公抗章劄之、不報。張元顥撰墓表。

出巡江西、不以刑罰立威、官吏相戒、自不敢犯。憲宗嗣位、公上疏言君子小人進退、治道所係、不可不慎。言甚剴切。提學南畿、徧歷

今之提學者視此何如

郡縣、居宿學宮、默然端坐、以身爲教。令讀小學書、暇則習禮。擢廣布政使。^①廣民疲困、爲除徭役、罷和買、備賑濟、督務爲忠養計。數辯冤獄、國人賴克哥等三十九人漁於海、舟爲風漂、至潮州、守者獲

之以通番論。又邑民劉馬住及黃福等十九人被誣爲盜。公察其冤、悉釋之。尤不畏貴倖。中官有第冒爲武職者、逼娶寡婦、爲奪還之。於是乃有提督市舶司者倚進貢爲奸利、役戶苦於供需、特減三十人。其後番人馬力麻與海商私通販易、詭稱蘇門答剌國使臣、市舶六灣、以獅子入貢、將浮海還國、云欲往滿剌加更市獅。公上言、比西域、莫胡爲圖利耳、使墮其謀、必貽安南笑、國體所關係、甚非細故。中官既蓄減役戶之怨、且素利進貢、及是每爲阻抑、怨益深、乃誣奏他事。勘事者求事實不得、必欲文議以罪、竟逮公赴京。廣人數萬擁留之。公在道病作、行至南昌而卒。



其學以克己求仁爲要。因自號克菴。讀書不資於文詞。遇格言卽
手錄于冊。爲力行之助。身旣貴顯。燕會惟服先人故衣帶。客至。瓦
器疏食。相對無媿色。自河南聞喪。還行裝蕭然。車一輛而已。及之
六計。第一。廉。自在。愛。州。無。凡。
官廣東。騎驢出都門而去。並傳。

宣轍所至。無不感動響應者。巡江西。江西人到今頌爲名御史。河
南士民遮道泣送者。萬計。復相率立生祠。及去。思碑。墓表。

惟公立朝。方嚴寡儔。君子是親。小人是讐。育才如春。持憲如秋。小
學有註。公取並收。尤選於禮。孜孜講求。橫渠之學。入門所由。抑孰
如公。聞然日修。楊廉。撰。



先生倣范文正公、置田一百四十畝、以充祀先朝族之用、號思遠
 庄。及卒、族人以公無餘資、舉田還公子戴。戴不可、曰：先人行義、戴
 取而私之、獨無愧乎？人咸謂先生有子。辛全記。

鼎按：先生試禮部、丘祥得其文、曰：此古君子也。拔第一。及相見
 而貌不揚、丘曰：吾聞荀卿言、坐賈無相、將無是乎？又按：先生嘗
 學南畿、以德行為本。試卷明列諸生姓名、曰：吾且不自信、何以
 信於人。即條冠、祭射儀、令士肄之。論者謂自孫盧陵以來、一人
 而已。遷河南副使、尋改提學。會幸奄汪直巡郡、都御史以下
 咸趨拜、公獨不屈。又按：張璠上疏略曰：太監李谷通番敗露、知
 縣高珰按法持之、遷移嘉獎、固監司之體也。奈何宋冕、徐同愛
 侍勢保、致蒼橫行、勘官李行承、督頤捐、鍛鍊成獄、竟無左
 驗。臣本小吏、以註誤解法、為選罷黜、實臣自取。春安意、臣心憾
 選、以賄陷臣、令臣扶同陷懸、臣安敢欺昧心術、頓倒是非、皆知
 臣不可利誘、乃嗾行等逮臣于理、身無完膚、臣甘死、願天終無
 異口。行等文致其詞、劾選勘失不實、擅便發倉。選為勘問、交悔、

旬日而殂。臣以罪人擯斥田野，百無所圖，敢冒死披陳，甘心鼎
鑊，誠痛忠義，叩冤爲聖明之累也。疏入，不報。弘治初，工部主
事林沂疏雪公冤，詔復官禮葬。
正德中，追贈光祿卿，謚忠愍。

周公諱惠 學統惠作桂

字廷芳、陝西山丹衛人。徙秦州、爲臨洮衛軍、戍蘭州守墩。晚年因訪父、沒于江、人稱小泉先生、年未詳。

年二十、聽人講大學首章、奮然感動、始知讀書問字。爲臨洮衛軍、

戍蘭州守墩、聞容思段先生集諸儒講理學、時往聽之、有聞卽服

行勇可方子路

行。久之、諸儒令坐聽、旣而與坐講、有疑與訂論焉。段先生曰、非聖弗學。先生曰、惟聖斯學。遂殫力就學、究通六經、篤信力行、慨然以程、朱自任。當時見者、亦翕然以程、朱復出也。又受學於清水教諭安邑李公景、得薛文清公之傳、建邇學者宗之。有總兵恭順侯吳



瑾者聞其賢、欲延教其子、先生固辭。或問故、先生曰、總兵以軍士役某、召之役則往役、召之教子則不敢往。聞者歎服。其侯亦不能強、遂親遣子於其家以受教。先生始納贅焉。時肅藩有二樂人鄭

人皆謂其以爲此辭何論責職

安、鄭寧者、進啟本、願除樂籍、從周先生讀書。其感人如此。後隱居秦州之小泉、人稱爲小泉先生。西遊長安、與介菴李公錦論學、介菴由是大悟、遂爲關西名儒。渭南思菴薛公敬之、執弟子禮師事焉。秦州守數造其廬、舉鄉飲賓、謝不往。巡按杜公禮徵求見、講先天、太極二圖、不覺前席。嘗正冠婚喪祭之禮、以示學者。秦人至今遵之。成化戊子、縣恩先生至小泉訪之、不遇、留以詩、有歷盡峴巖

君不見一天風雨野梅開之句。馮從吾撰。

小泉泉水隔煙蘿、一濯冠纓一浩歌。細細靜涵洙泗脉、源源動鼓洛川波。風埃些子無由入、寒玉一泓清更多。老我未除塵俗病、欲煩洗雪起沉疴。

白雲封鎖萬山林、卜築幽居深更深。養道不干軒冕貴、讀書採取聖賢心。何爲有大如天地、須信無窮自古今。欲鼓遺音絃絕後、關閩濂洛待君尋。改堅則詩。

奮跡卒伍、勵志豪英。五經研究、篤信力行。功密存省、造詣純真。化洽武弁、德動公卿。蘇體撰。



先生之志超自行伍。先生之學直尋鄒魯。容思金蘭。思庵山斗。教
被三秦。名高千古。辛全撰贊。

張公諱鼎

字大器、陝西咸寧人。景泰癸酉舉人、成化丙戌進士、歷官戶部右侍郎。以疾請歸、卒於家。年六十有五、號自在道人。

父廉、爲山西蒲州知州。先生少從父之任、受業於河東薛文清公之門、日勤于聖賢之學、諸子百家雖靡不研究、而一稟於濂洛關閩。由進士授刑部主事、遷員外郎。冰蘗自持、推誠詳明。甲午、出知山西太原府。省會劇郡、先生游刃有餘、循良升三晉、郡人德之、不忍離去。故九載考績、晉山西叅政、仍署府。又四載、始遷河南按察使。振肅紀綱、姦貪斂跡、特辨指揮董敬等人命之誣。弘治改元、擢



右僉都御史、巡撫保定等府。時畿內多事，盜賊縱橫于途，行旅戒嚴。先生築牆植樹，自內丘直達京師，由是道路肅然，至今賴之。值歲大祲，先生給糧賑濟，民免流亡。辛亥，晉戶部右侍郎，尋以病請歸。歸四年，爲弘治乙卯，卒于家。爲人仁厚敬慎，終身恪守師說。文清公歿，其文集散漫不傳，先生搜輯校正，凡數年，稿始克成，乃爲序梓而傳之。事見前所著有仕學日記，自在詩文、蠶齋博稿若干卷。先生爲都憲，爲亞卿、皆三原王端毅公爲冢宰時所推轂。其卒也，端毅公銘其墓，稱其理學傳自文清公，高名可並太華峰。蓋確論云。從吾撰傳。



張大器學行別無考、只觀薛文清樂為師、王端毅表其墓、二公決
 不輕是人者、而重公若此、公為聖賢之徒何疑。辛全養心錄
 卓彼文清、昭代一人。公早有志、負笈河汾。兄諸日用、施諸君民。文
 集之訂、師道常新。辛全養心錄